

Bosna i Hercegovina
Federacija Bosne i Hercegovine
ZENIČKO – DOBOJSKI KANTON
MINISTARSTVO ZA PROSTORNO UREĐENJE
PROMET I KOMUNIKACIJE I ZAŠTITU OKOLINE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MINISTRY OF CITY PLANNING,
COMMUNICATION, TRAFFIC & ENVIRONMENT

Prilazljeno	31. 08. 2018		
Org. jedin.	Klasif. oznaka	Redni broj	Dr. predlog
92	27-5	603	18

Broj: 12-27-7354-1/18

Zenica, 30.08.2018.godine

Na osnovu člana 70. Zakona o organizaciji organa uprave u Federaciji BiH („Službene novine Federacije BiH” 35/05), člana 200. Zakona o upravnom postupku („Službene novine Federacije BiH”, broj: 2/98) i članova 73. i 77. Zakona o cestama Federacije BiH („Službene novine Federacije BiH”, broj: 12/10), a rješavajući po zahtjevu Kantonalne direkcije za ceste Zeničko-dobojskog kantona broj: 12-27-7354-18 od 29.08.2018.godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona, donosi:

RJEŠENJE

Kantonalnoj direkciji za ceste Zeničko-dobojskog kantona daje se odobrenje za obustavom saobraćaja na dionici regionalne ceste R 474 Tešanj –Jelah-granica Federacije zbog izvođenja radova na rekonstrukciji mosta preko rijeke Usore u naselju Jelah, koje će izvoditi privredno društvo „HERING” d.d. Široki Brijeg (u daljem tekstu: Izvođač) i to u periodu od 03.09.2018. godine do 05.03.2019.godine pod sljedećim uslovima:

1. Prije početka izvođenja radova Izvođač je dužan postaviti privremenu saobraćajnu signalizaciju u skladu sa Elaboratom preusmjerenja saobraćaja broj: 115-267-1538-21-737. Nakon završetka i prijema radova od strane Investitora, Izvođač je obavezan ukloniti postavljenu privremenu signalizaciju.
2. Da organizuje izvođenje radova u skladu sa propisanom tehničkom dokumentacijom odobrenom od strane Investitora, kojom Investitor i Izvođač garantuju bezbjedno i sigurno odvijanje saobraćaja preko privremenog mosta i alternativnih pravaca.
3. Regulisanje odvijanja prometa riješiti u saradnji sa Ministarstvom unutrašnjih poslova Zeničko-dobojskog kantona.
4. Za vrijeme trajanja obustave promet putničkih i teretnih vozila težine do 30 t odvijat će se zaobilaznicom preko privremenog mosta i to naizmjenično u jednom smjeru uz regulisanje svjetlosnom saobraćajnom signalizacijom.
Promet putničkih i teretnih vozila težine preko 30 t će se preusmjeriti na most Tešanjka – Sivša zaobilaznim pravcem Jelah Polje-Sivša-Tešanjka-Jelah.
Alternativni pravac za vozila do 7,5 t može se koristiti i pravac Jelah Polje-Kalošević-Jelah.
5. Da obavezno putem sredstava javnog informisanja pravovremeno obavijesti učesnike u prometu o potpunoj obustavi prometa i alternativnim cestovnim pravcima i to najkasnije u roku od 48 (četrdeset osam) sati prije početka obustave.
6. Da podnositelj zahtjeva snosi naknadu za sve eventualne štete nastale na cesti, korisnicima ceste i cestovnog zemljišta prouzrokovane izvođenjem radova.

Obrazloženje

Kantonalna direkcija za ceste Zeničko-dobojskog kantona obratila se zahtjevom za obustavom saobraćaja na dionici regionalne ceste R 474 Tešanj –Jelah-granica Federacije zbog izvođenja radova na rekonstrukciji mosta preko rijeke Usore u naselju Jelah, a koje će izvoditi privredno društvo „HERING” d.d. Široki Brijeg.

Protiv ovog rješenja može se izjaviti žalba Ministarstvu za promet i komunikacije Federacije BiH, u roku od 8 dana po prijemu istog.

Dostavljeno:

- 1 x Naslov,
- 1 x MUP ZDK,
- 1 x BIHAMK,
- 1 x a.a.

MINISTAR

Fahrudin Brkić